

تبریز اهالیسی بو ایل مئترویا مینه‌جاقلار

رئیس جمه‌ورون مخصوص دستیار دئدی: باشاردیغیمیز قدر چالیشاجیوق کی بو ایلین آخیرینه‌جن تبریزین شهر قاطاری بو شهرین حمل و نقل ناوگانینا قوشولسون و تبریزلی‌ره خیدمت وئرسین.

فارسین تبریزدن وئردیغی گوزاریشه گؤره، علی اکبر محرابیان تبریزین شهری قاطاریندان گؤروش ائنده دئدی: خوشبختلیقدان تبریزین شهر قاطارینین ایشلری یاخجی قباغا گئدیپ و اومودوموز وار بو ایلین آخیرینه‌جن ایکی مرحله‌ده تبریزین مئتروسی ساعت قباغینا‌جن یولا سالینسین. او هابئله تبریز شهرداریسیندان ایسته‌دی اونونجو ایستگاه (منصور چهارراهی) محدوده‌سینه عومرانی عملیاتلارا خاطر فنیس چکدیرسین و اون‌بیرینجی ایستگاهین (ساعت قباغی) اراضی تمولوکونه لازیم اولان ایقداملاری ائله‌سین. شرقی آذربایجانین اوستانداری حاضر اولان بو گؤروشده تبریز مئتروسو سازمانین مودیر عامیلی، یعقوب انصاری ایجراپی عملیاتین گندیشی و فنی موشخصاتیندان توضیح وئردی. او دئدی: تبریز مئتروسی‌نین 64.6 کیلومتر اوزونلوغوندا 62 ایستگاهینان، 4 خط واریدی.